

ZAJEDNIČKA PLATFORMA ZA VOĐENJE SOCIJALNOG DIJALOGA

Potpisnice ovog dokumenta jednoglasne su da je vođenje socijalnog dijaloga najbolji način za zaštitu prava članova koje okupljaju i rješavanja međusobnih problema.

Ovaj dokument je kako osnova za vođenje socijalnog dijaloga, tako i zajednički nastup prema institucijama vlasti u svim oblastima gdje postoji zajednički interes potpisinica.

Potpisnice su saglasne da će raditi na izgradnji i očuvanju međusobnog povjerenja i da neće preduzimati jednostrane korake kojima će se rušiti međusobno povjerenje.

Prije preduzimanja aktivnosti na zaštiti svog članstva, kao i javnih istupa u vezi sa tim, provodit će se prethodne međusobne konsultacije.

U javnim istupima vodit će se računa da se ne provocira bespotrebni sukob i da se zaštiti integritet svake strane potpisnice.

Strane su saglasne da su jedini legitimni socijalni partneri Udruženje poslodavaca Federacije BiH i njene kolektivne i pojedinačne članice sa druge strane, te sindikati za područje djelatnosti, koji su izabrali delegaciju sindikata u ESV-u za područje Federacije BiH.

Kolektivno pregovaranje

Svaka strana obavezuje se da će preduzeti sve potrebne korake kako bi se stvorili uslovi da se pristupi kolektivnom pregovaranju, čim prije je to moguće.

Prilikom kolektivnog pregovaranja svaka strana će odustati od maksimalističkih zahtjeva i obavezuje se na fleksibilnost i spremnost na kompromis i dogovor na realnim osnovama.

U pregovorima će se u cjelosti poštovati Konvencije ILO-a i odredbe domaćeg radnog i drugog zakonodavstva.

Ukoliko postoji neslaganje oko pojedinih pitanja, ona će se raspravljati nakon što se postigne dogovor o drugim pitanjima u toku vođenja kolektivnog pregovaranja.

Potpisnice su saglasne da je postizanje svojih vlastitih ciljeva proces i da se do njega može doći samo postepeno. Postizanje kompromisa ne znači nužno i odustajanje od vlastitih ciljeva.

Njihovom ostvarenju nastavit će se težiti i dalje.

Ekonomsko-socijalno vijeće (ESV)

Po svim pitanjima koje potpisnice kandiduju za razmatranje na ESV-u za područje Federacije BiH, pokušat će se osigurati prethodna saglasnost obje strane, Udruženja poslodavaca FBiH i sindikata potpisnica, s druge strane.

O svim inicijativama poželjno je prethodno obavijestiti drugu stranu.

Potpisnice su saglasne da će se u radu ESV-a pokazati odlučnost na pronalaženju kompromisa.

Nastup prema institucijama vlasti

U svim pitanjima, gdje je to moguće, obezbijediti zajednički nastup prema tijelima izvršne i zakonodavne vlasti i izbjegavati jednostrane prijedloge bez prethodnih konsultacija.

Ukoliko ne postoji saglasnost oko pojedinih prijedloga, prilikom iznošenja svojih stavova voditi računa da se ne dovodi u pitanje stepen dostignutog međusobnog povjerenja.

Javno će se podržati prijedlozi obje strane oko kojih postoji saglasnost.

Zajedničko insistiranje na smanjenju opterećenja poslodavaca, prvenstveno parafiskalnih nameta, kao i svih drugih nameta koji sprečavaju poslodavce da isplaćuju veće plate .

Najniža plaća

Potpisnice su saglasne da nije prihvatljiva situacija u kojoj ne postoji minimalna plata.

Osnov za utvrđivanje minimalne plate mora biti Konvencija o utvrđivanju minimalnih plata ILO-a broj 131.

Neophodno je propisati objektivne kriterije za utvrđivanje i usklađivanje najniže plate, koji će obezbijediti da se najniža plata svake godine usklađuje automatski.

Prilikom utvrđivanja najniže plate mora se voditi računa da se obezbijedi minimum socijalnih potreba radnika i njegovog domaćinstva, ali se pri tome mora voditi računa da se ne ugrozi stepen zaposlenosti i da se omogući ekonomski rast.

Potpisnice su saglasne da je neodrživo stanje u kojem Federacija BiH ima najveće opterećenje cijene rada u Evropi i traži se hitno rasterećenje poslodavaca u cilju omogućavanja povećanja plata i novog zapošljavanja.

Potpisnice su saglasne da je nedopustiva postojeća razlika u visini plata između javnog i privatnog sektora i da se postojeći disbalans mora postepeno otkloniti, prvenstveno u cilju omogućavanja povećanja plata radnika u privatnom sektoru.

Ovoj platformi mogu pristupiti i drugi sindikati za područja djelatnosti iz realnog sektora.

Za UPFBiH

Adnan Smailbegović
Predsjednik Upravnog odbora UP FBiH

Snježana Koepruner
Član Izvršnog odbora UP FBiH

Mladen Pandurević
Direktor

Za Sindikat metalaca FBiH

Bajro Melez
Predsjednik

Za Samostalni sindikat šumarstva, prerade drveta i papira BiH

Lejla Ćatić
Predsjednica

Za Sindikat građevinarstva i industrije građevinskog materijala BiH

Murat Škamo
Predsjednik

Za Samostalni sindikat radnika hemije i nemetala u FBiH

Ilvana Smajlović
Predsjednica

Za Sindikat tekstila, kože, obuće i gume FBiH

Zlatibor Kojčić
Predsjednik

Za Samostalni sindikat saobraćaja i veza u BiH

Benaris Dedić
Predsjednik

Sarajevo, 09.06.2021. godine

Broj protokola:

Sarajevo, 09.06.2021.godine

Broj protokala: